

ՃԱՐՏԱՐԱԳԵՏ ԱԼԵԲՍԱՆԴՐ ԹԱՄԱՆՅԱՆԻ ԾՆՆԴՅԱՆ 75-ԱՄՅԱԿԸ



Մայիսի 23-ին Հայաստանի աշխատավորությունը նշեց ճարտարապետության ահագնեմիկոս Ալեքսանդր Թամանյանի ծննդյան 75-ամյակը:

Երևանի ճարտարապետների տանը կապացած երեկոյին հավաքվել էին նրա աշակերտները, նկարիչներ, դիտնակաճարներ, սուսանողներ: Կարդացվեց զեկուցում ճարտարապետի կյանքի և գործունեության մասին, ինչպես նաև պատմվեցին հետաքրքիր հուշեր:

Անգնահատելի են Ալեքսանդր Թամանյանի մատուցած ծառայությունները հայ ճարտարապետության զարգացման գործին: Նուրբ ճաշակով օժտված այն գեղարվեստագետներից է եղել նա, որոնք չափազանց մեծ խստապահանջություն են ցուցաբերել դեպի իրենց ստեղծագործական աշխատանքը:

1904 թվականին ավարտելով Պետերբուրգի Գեղարվեստի ակադեմիային կից Գեղարվեստական բարձրագույն ուսումնարանի ճարտարապետության դասարանը, նա արդեն իսկ ցուցաբերում է մեծ ընդունակություններ նկարչության և ճարտարապետության առարկաներում: Շչերբակովի տան նախագծման

ու շինարարության համար նա ոսկե մեդալ ստացավ Մոսկվայի լավագույն շենքի համար կազմակերպված կոնկուրսում, իսկ 1914 թվականին նույն շենքի համար և արվեստի ասպարեզում ունեցած մեծ հաջողությունների համար Գեղարվեստի ակադեմիան նրան ընտրում է ճարտարապետության ակադեմիկոս:

Սակայն Ալեքսանդր Թամանյանի ստեղծագործությունը իր ծաղկման գագաթնակետին հասավ 1920 թվականին Հայաստանի ստեղծարվեստի հետո: Ուսումնասիրելով և բարդացնելով ըմբռնելով հայ ճարտարապետության բնորոշ գծերն ու գեղեցկությունները, նա մեծ վարպետությամբ կարողացավ հիմք դնել ձևով ազգային, բովանդակությամբ սոցիալիստական սովետահայ ճարտարապետության: Նրա ստեղծագործությունների դուրս-գործոցը Հայկական Սովետական Սոցիալիստական Ռեսպուբլիկայի Կառավարական տանն է, որի ճարտարապետական բարդ և վեհ կոմպոզիցիան, ձևերի գեղեցիկ համադրումն ու տպավորիչ քանդակագործությունը ստեղծել են հայկական ճարտարապետության լավագույն ավանդույթները: Կառավարական տան նշանակությունը նրանում է, որ նա մի տեսակ ճարտարապետության դպրոց հանդիսացավ երիտասարդ սերնդից լավագույն ճարտարապետների պատրաստելու գործում:

Թամանյանի ստեղծագործության պատկաներից մեկն էլ Օպերայի և բալետի թատրոնի շենքն է: Այդ շենքի ճարտարապետական կառուցվածքի հիստորիկ դասական պատրաստությունը, ներդաշնակությունը, փառահեղությունը հանդիսանում են տաղանդավոր ճարտարապետի ստեղծագործական մտքի փայլուն հաղթանակը: Այդ շենքը մեր գեղեցիկ մայրաքաղաքի չքնաղ զարդն է, սովետահայ ճարտարապետության մեծագույն նվաճումներից մեկը:

Թամանյանի հարուստ ժառանգությունը չի ավարտվում վերոհիշյալներով: Երևան քաղաքի վերակառուցման և զարգացման դիմադրի նախագիծը նրա տաղանդի արդասիքն է, որը ճիշտ է լուծել արագորեն վերակառուցվող մայրաքաղաքի արդյունաբերական շինարարությունից պլանաչափ տեղաբաշխումը:

Ակադեմիկոս Թամանյանի ճարտարապետական ստեղծագործական ժառանգությունը մեծ ավանդ է սովետահայ ճարտարապետության զանազանում: